

**Protocol no. 71****Sezzüda da lündeschdi, 6 settember 2010, 20.00 – 22.20**

**Preschaints:** Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Rico Zini (protocol)

**S-chüsà:** Georg Salomon

**Protocol**

Il protocol no. 70 da la sezzüda dals 30 avuost 2010 vain approvà.

**635 021 FABRICA**  
**Andri Planta – Renovaziun chasa – Sot Pradè 222**

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia agiunta:
  - taxa da trattamaint fr. 1'550.--
  - taxa d'attach d'aua, prov. 1.5 % fr. 18'600.--
  - taxa d'attach chanalizaziun e sarinera, prov. 2.0 % fr. 24'800.-- excl. ipv.
  - taxa d'attach provedimaint electric, prov. 1.0 % fr. 12'400.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. La taxa directiva importa tenor ils plans inoltrats, prov. fr. 7'560.--. L'import definitiv vain erui in connex culla collaudaziun da fabrica.
5. Las indicaziuns da la pulizia da fö sun part integrala dal permiss da fabrica.
6. Ils cuosts pel parair juridic van tenor art. 96 KRG a charg dal patrun da fabrica.

**636 021 FABRICA**  
**Fundaziun Not dal Mot – Porta d'entrada – Parkin**

Il Cussagl cumünal decida da dar il permiss da fabrica seguaintamaing (procedura d'annunzcha):

1. Tenor la dumonda acclusa al permiss da fabrica.
2. Il Cumün inchascha seguainta taxa da trattamaint: fr. 50.--.

**637 720.503 Deponia Davo Stron**  
**Surdatta da lavuors d'impressari**

Davo avair tut cogniziun dal reasunt da las offertas, decida il Cussagl cumünal da surdar la lavur, chi vain fatta in reschia, a la firma Impraisa Mario GmbH, Ramosch, chi ha offri las cundiziuns las plü favuraivlas. L'offerta s'amunta sün fr. 18'516.70.

**638 0                   ADMINISTRAZIUN GENERALA**  
**Indemnisaziuns per spaisas da viadi**

L'indemnisaziun als impiegats cumünals per spaisas da viadis cul auto importa 70 raps al km. Tenor l'orden da personal chantunal as stoja però, scha pussibel, ütilisar ils mezs publics. Il Cussagl cumünal decida in basa a l'orden chantunal da personal da pajar in ün cas concret be il bigliet dal tren.

**639 860.318.04       Cità d'energia**  
**Program d'activitats**

Il Cussagl cumünal fa bun il program d'activitats in connex cul label „cità d'energia“. Quist program muossa las activitats infin l'on 2013.

**640 589.361           Chüra d'uffants**  
**Canorta „Villa Milla“**

La schefa da sandà orientescha sur da l'avertüra da la canorta Villa Milla a Scuol. Quista nouva sporta es per nossa regiun sgüra üna necessità.

**641 021               FABRICA**  
**Decret a regard temp da fabrica**

Il Cussagl cumünal piglia cogniziun cha'ls 6 settember 2010 saja gnü constattà ch'üna firma haja cumanzà fingià la bunura bod (6.30) cun lavuors cun grondas emissiuns da canera. Tenor il decret dal Cussagl cumünal a regard temp d'activitats da lavuors da fabrica o transports in connex cun lavuors da fabrica pon quellas lavuors gnir effectuadas d'urant l'eivna pür a partir da las 7.00. A l'impressari vain dat 10 dis temp per tour posiziun lasupra.

**642 12               Diversas schefs**  
**Concert Chorgemeinschaft Rottweil / Coro ad hoc Sent**

Venderdi als 17 settember 2010 ha lö ün concert cun chanzuns popularas rumantschas e tudais-chas illa baselgia a Sent. La donaziun d'entrada va a favur dals büglis da nos cumün.

L'actuar: